



SLUŽBA KABINETA OPĆINSKOG NAČELNIKA

Broj: 01-04-4-1405/23

Datum, 17.04.2023. godine

Općinski načelnik Općine Stari Grad Sarajevo, putem Službe kabineta Općinskog načelnika, na osnovu člana 55. stav (2), (3) i (5) i člana 56. Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", broj: 35/22 i 44/22) i na osnovu člana 10. stav (5), (6) i (7) Uputstva za izradu i provođenje plana integriteta institucija javnog sektora u Kantonu Sarajevo, broj: 02-04-43099-19.1/22 od 20.10.2022. godine, d o n o s i

ODLUKU

o usvajanju i provođenju Plana integriteta

1. Ovom Odlukom usvaja se Plan integriteta Općine Stari Grad Sarajevo, od decembra 2022. godine, kojeg je pripremila Radna grupa za izradu prijedloga Plana integriteta u Općini Stari Grad Sarajevo, imenovana Odlukom Općinskog načelnika Općine Stari Grad Sarajevo, broj: 01-04-4-3382/22 od 02.12.2022. godine, koja se razrješava.
2. Istovremeno, Plan integriteta iz tačke 1. dispozitiva ove Odluke Općinski načelnik Općine Stari Grad Sarajevo upućuje Uredu, budući da je izvršena procjena usaglašenosti predhodno dostavljenog prijedloga Plana integriteta sa citiranim Zakonom i Uputstvom.
3. Za osobu zaduženu za nadzor nad provođenjem Plana integriteta imenuje se državni službenik **Osmanagić Enida**, koja ima zadatak da prati provođenje Plana integriteta, a posebno dijela koji se odnosi na mjere za poboljšanje integriteta Općinskog organa uprave Općine Stari Grad Sarajevo, te davanje prijedloga za njegovo unaprijeđenje, uključujući i staranje u smislu člana 61. Zakona, kojim je propisana obaveza blagovremenog dostavljanja Izvještaja Uredu, o provođenju plana integriteta.
4. O Planu integriteta iz tačke 1. dispozitiva ove Odluke, putem Službe za opću upravu i inspeksijske poslove, informisat će se svi zaposlenici Općine Stari Grad Sarajevo, a isti će biti učinjen dostupnim javnosti objavljivanjem na web stranici Općine Stari Grad Sarajevo www.starigrad.ba.
5. Ova Odluka stupa na snagu danom donošenja.



Obrazloženje

Odlukom Općinskog načelnika Općine Stari Grad Sarajevo, broj: 01-04-4-3382/22 od 02.12.2022. godine o izradi plana integriteta, formirana je radna grupa za izradu prijedloga plana integriteta, sa zadatkom da izradi i dostavi Općinskom načelniku prijedlog Plana integriteta Općine Stari Grad Sarajevo, koji se prvobitno ogledao u sačinjenom prijedlogu Plana integriteta Općine Stari Grad Sarajevo, od decembra 2022. godine. Radi se o internom dokumentu koji, u smislu člana 3. citiranog Zakona, sadrži detaljnu procjenu podložnosti određenih radnih mjesta, radnih procesa i poslova nastanku i razvoju korupcije i drugih oblika pristrasnog postupanja, skup konkretnih mjera kojima se preveniraju i otklanjaju mogućnosti za nastanak i razvoj korupcije i obezbjeđuje povjerenje građana u rad institucije, usaglašenim sa citiranim Zakonom i Uputstvom. Treća tačka dispozitiva ove Odluke temelji se na članu 56. stav (1) tačka f) Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", broj: 35/22 i 44/22), kojim je propisano da plan integriteta, između ostalog, sadrži podatke o licu odgovornom za izradu i provođenje plana integriteta u instituciji – menadžer integriteta, te na članu 61. istog Zakona. Četvrta tačka dispozitiva Odluke temelji se na članu 59. citiranog Zakona koji propisuje da je Institucija dužna Plan integriteta učiniti dostupnim javnosti objavljivanjem na svojoj internet stranici, odnosno članu 10. stav (6) i (7) citiranog Uputstva, kojim je propisano da odgovorno lice institucije informiše zaposlenike o usvajanju plana integriteta, odnosno da je institucija dužna plan integriteta učiniti dostupnim javnosti objavljivanjem na svojoj internet stranici.

Imajući u vidu naprijed navedeno, pozivom na citirane odredbe, odlučeno je kao u dispozitivu ove Odluke.

Zasnovanost akta na zakonu potvrđuju
Gušić Hamida, šef Odsjeka za ljudske resurse

**Rukovodilac Službe kabineta
Općinskog načelnika po ovlaštenju
broj: 01-04-4-2754/22**

Plakalo Adela

Dostaviti:

1. n/r Selma Ribić, koordinator Radne grupe;
2. n/r Osmanagić Enida, član Radne grupe;
3. n/r Kapo Aiša, član Radne grupe;
4. Sekretaru organa državne službe;
5. Uredu za borbu protiv korupcije i upravljanje kvalitetom Kantona Sarajevo;
6. n/r Enida Osmanagić, osoba zadužena za nadzor nad provođenjem Plana integriteta;
7. n/r Almedina Porča, pomoćnik Općinskog načelnika za odnose s javnošću i informacioni sistem;
8. n/r Švraka Alija, pomoćnik Općinskog načelnika za opću upravu i inspeksijske poslove, po ovlaštenju;
9. Evidencija.

